

UDHËZIM
Nr. 619, datë 27.12.2017

PËR DISA NDRYSHIME DHE SHTESA NË UDHËZIMIN NR. 8, DATË 25.2.2015,
“PËR PLANIFIKIMIN E FONDEVE PËR NDIHMËN EKONOMIKE”

Mbështetur në pikën 4, të nenit 102 të Kushtetutës së Republikës së Shqipërisë, në zbatim të nenit 35, të ligjit nr. 9355, datë 10.3.2005, “Për ndihmën dhe shërbimet shoqërore”, të ndryshuar, të ligjit nr. 9936, datë 26.6.2008, “Për menaxhimin e sistemit buxhetor në Republikën e Shqipërisë”, si dhe në zbatim të ligjit nr. 109/2017, “Për buxhetin e vitit 2018”, të udhëzimit të Ministrisë së Financave nr. 2, datë 6.2.2012, “Për procedurat standarde të zbatimit të buxhetit”,

UDHËZOJ:

1. Në pikën 1 të udhëzimit togfjalëshi “Administratori shoqëror në bashki/komunë” zëvendësohet me “Struktura përgjegjëse për shërbimet sociale në bashki”.

2. Pas pikës 2 shtohet pika 1/1 me këtë përmbajtje:

“1/1. Struktura përgjegjëse për shërbimet sociale në bashki programon kërkesat për fondin deri në 6% të bllok-ndihmës ekonomike dhe i dërgon në zyrat rajonale të Shërbimit Social Shtetëror.”.

3. Pika 2 riformulohet me këtë përmbajtje:

“2. Programimi i fondeve për ndihmën ekonomike mbështetet në numrin e popullsisë gjithsej, numrin e familjeve, vlerësimin e varfërisë dhe numrin e familjeve në ndihmë ekonomike, strukturën e anëtarëve të familjes (anëtarin e parë të familjes sipas renditjes në certifikatën familjare, anëtarët e familjes mbi moshën 18 vjeç, anëtarët e familjes në dhe nën moshën 18 vjeç, anëtari i vetëm mbi moshë pune); personat që kanë statusin e jetimit; numrin e familjeve që kanë fëmijë të lindur njëherësh, si: trinjakë, katërnjakë apo pesënjakë, viktimat të trafikimit, viktimat të dhunës në familje, fëmijë në familje kujdestare, fëmijë që ndjekin arsimin e detyrueshëm, numri i vaksinave për fëmijët e vaksinuar të familjeve në NE.”.

4. Në pikën 3, moduli 1 ndryshon sipas formatit që i bashkëlidhet këtij udhëzimi.

5. Kudo në udhëzim togfjalëshi “bashki/komunë” zëvendësohet me “bashki” dhe “Ministria e Mirëqenies Sociale dhe Rinisë” zëvendësohet me “ministria përgjegjëse për çështjet sociale”.

Ky udhëzim hyn në fuqi me botimin në Fletoren Zyrtare.

MINISTRI I SHËNDETËSISË DHE MBROJTJES SOCIALE
Ogerta Manastirliu

QARKU _____
BASHKIA _____

Moduli 1

Programimi i fondeve për shpërndarjen e ndihmës ekonomike

Datë, më _____

Nr.	Emërtimi	Struktura në numër	Masa e pagesës	Fondi i ndihmës ekonomike
1	Popullsia gjithsej			
2	Familje gjithsej			
3	% e familjeve në skemë			
-	Familje në skemë e ndarë kjo			
4	Anëtar i parë i familjes sipas renditjes në certifikatën familjare			
5	Anëtarët e familjes mbi moshën 18 vjeç			
6	Anëtarët e familjes në dhe nën moshën 18 vjeç			
7	Anëtar i vetëm mbi moshë pune			
8	Jetim 18–25 vjeç			
9	Jetim mbi 25 vjeç			
10	Numri i fëmijëve 3-njakë të familjeve			
11	Numri i fëmijëve 4-njakë të familjeve			
12	Numri i fëmijëve 5-njakë të familjeve			
13	Viktima të dhunës			
14	Viktima të trafikimit			
15	Komp. energjie për familjet në skemë			
16	Komp. energjie për heqjen e fashës deri 300 kwh për familjet në NE			
17	Fëmijë deri në moshën 16 vjeç që ndjekin arsimin e detyrueshëm 9-vjeçar (janar – qershor; shtator – dhjetor)			
18	Numri i vaksinave për fëmijët në familjet përfituese të NE-së			
19	Fëmijë në familje kujdestare			
20	Fëmijë me AK në familje kujdestare			
21	Nr. i fëmijëve në familje kujdestare që përfitojnë shpenz. veshje + indirekte			
22	Nr. i fëmijëve në familje kujdestare që përfitojnë shpenz. shkolle			
A	Fondi sipas strukturës: A = (4+5+6+7)*12 muaj			
B	Fondi për individë e kompensime: $\{(8+9+10+11+12+13+14+15+16+19+20) \times 12 \text{ muaj}\} + (17*10) + (18*1) + (21*1) + (22*1)$			
C	Fondi 6%			
D	Fondi gjithsej D= (A + B+C)			

DREJTORI

KRYETARI

Vula